



UNIVERSITÄTS-
BIBLIOTHEK
PADERBORN

**Candidatus Abbreuiatus Jurisprudentiae Sacrae, Hoc Est,
Juris Canonici, Secundum Gregorii Papae IX. Libros V.
Decretalium Explanati Summa, Seu Compendium**

Pichler, Vitus

Augustae Vindel., 1733

Titulus XXXII. De Conversione Conjugatorum.

[urn:nbn:de:hbz:466:1-63462](https://nbn-resolving.org/urn:nbn:de:hbz:466:1-63462)

ad iteratam receptionem, imò emendatum, etiam non petentem suscipi, tenetur Religio recipere, ut notant DD. cum Barb. ex *c. fin. h. t.* Membrum 4. ex Trid. *d. f. 25. c. 19. de Regular.* Quamvis autem post quinquennium pro foro externo non amplius audiatur valorem suæ Professionis impugnans coram Superiore suo, & Ordinario (ad hos enim conjunctivè pertinet cognoscere) in foro tamen interno, sicut nullitas suæ Professionis certa sit, ea tamen probare nequeat, non tenetur clam (quod tamen facere posset, & laudabiliter faceret) ratificare per novum consensum suam Professionem, sed posset (seclusò scandalo) discedere. Cæterùm nullitas Professionis non sanatur ab ignaro nullitatis, licèt singulis annis eam renovaret etiam sublatò impedimentò, nisi expressè apud se statuisset, se Professionem, casu quo invalida fuisset prior, hic & nunc validam & novam emittere velle.

TITULUS XXXII.

De Conversione Conjugatorum.

SUMMARIUM.

1. *Quid veniat per conjugatos, & eorum conversionem.*
2. *Quid Juris, si existentes in Matrimonio Rato:*
3. *Vel in Consummato, ingredi velint Religionem.*

Conjugati sunt in duplici classe; aliqui sunt in Matrimonio *Rato*, quod quidem legitime est contractum, nondum tamen secuta

cutâ copulâ carnali: alii in *Consummato*, scilicet per subsecutam copulam carnalem perfectam, per se aptam ad generationem proles. Per *Conversionem* intelligitur hic ingressus in Religionem, seu Ordinem Religiosum.

2 Dico 1. Existentes in Matrimonio Rato, quam diu illud non consummaverint per copulam, et quam propterea per duos integros menses à contractu Matrimoniali non obligantur etiam exigitate altera parte, possunt ambo, vel unus, etiam altera parte invita, liberè ingredi Religionem.

2. Et postquam secuta fuerit Professio, Matrimonium penitus dissolvitur, ita ut remanens in sacculo aliud licitè ac validè contrahat. Communis & certa quoad utramque partem propter claros textus in *c. 2. 7. 14. h. t. Extrav. antiqua. Jo. XXII. de Voto.* ubi Matrimonio Rato annexa legitur hæc conditio, *nisi Religionem ingrediar*: quæ tamen conditio non est annexa susceptioni Ordinis Sacri: quare Matrimonium Ratum non dissolvitur per susceptionem Sacri Ordinis etiam Presbyteralis. *Extrav. cit.* Quamvis autem huiusmodi conjuges per bimestre non teneantur consummare Matrimonium, si velint ingredi Religionem, vel de ingressu deliberent, eo tamen elapso, si una pars instet, & debitum conjugale seu copulam petat, urget obligatio vel statim ingrediendi, vel Matrimonium consummandi.

3 Dico 2. Existentes in Matrimonio Consummato nec licitè ingrediuntur, nec validè Professionem emittunt, nisi sponte consentiat altera pars.

2. Vel altera pars commisisset adulterium. 3. Aut lapsa fuisset in hæresim, & propterea per se

ten

tentiam Judicis permissum divortium. 4. Eadem procedunt de susceptione Ordinis sacri, cum hoc solo discrimine, quòd Ordo sacer sine licentia uxoris validè suscipiatur, non tamen licitè, ut adeò maritus teneatur quidem uxori petenti debitum conjugale reddere, ipse vero propter votum solemne castitatis illud licitè non petat. Pars 1. constat ex *c. 8. 12. 17. 20. h. t.* Interim talis sine licentia conjugis ingrediens, etiam invalidè emittat Professionem, & sic in vim voti solennis non teneatur ad castitatem, obligatur tamen ad hanc in vim voti simplicis, quia in tantum se obligare potuit, & se obligasse præsumitur. *c. 3. & 12. eod.* Quamvis autem sola licentia conjugis sufficiat ad validam Professionem, non tamen sufficit ad licitam, sed insuper requiritur, ut & altera pars ingrediatur Religionem, aut, si jam sit senex, sterilis, aut aliàs non suspecta de incontinentia, saltem votum perpetuæ castitatis emittat in sæculo. *c. 4. 13. 18. eod.* Pars 2. ex *c. 15. 16. eod.* Pars 3. ex *c. fin. eod. & c. 6. de divort.* Pars 4. tum ex *citt. Jurib. præferim Extrav. antiqua.* tum ex paritate rationis; quia maritus sine licentia, vel adulterio carnali aut spirituali uxoris, suscipiens Ordinem Sacrum ei facit injuriam assumendo statum conjugio non convenientem. Quod autem Ordo susceptus valeat, eruitur indè, quòd non exstet Jus illum irritans.

